

Broj: 01-49-2-167/18

Datum: 16.01.2018.godine

## IZVJEŠTAJ

o radu Općinskog vijeća Tešanj za period 1.1. – 31.12.2017. godine

### UVODNI DIO

Članom 117. Poslovnika o radu OV-a utvrđeno je sljedeće:


1. Općinsko vijeće obavezno je putem nadležne službe izraditi šestomjesečni i godišnji izvještaj i isti nakon usvajanja na sjednici Općinskog vijeća objaviti.
2. Izvještaj iz prethodnog stava obavezno obuhvata:
  - a) broj donesenih odluka,
  - b) broj primljenih komentara za svaku odluku pojedinačno,
  - c) broj odluka koje su inicirali građani,
  - d) broj održanih javnih rasprava,
  - e) broj građana koji su prisustvovali javnim raspravama,
  - f) broj sprovedenih analiza ekonomske opravdanosti,
  - g) broj građana koji su prisustvovali sjednicama Vijeća i
  - h) prisustvo vijećnika sjednicama Vijeća.

Izvještaj o radu Općinskog vijeća Tešanj za period 1.1. – 31.12.2017. godine predviđen je u prvom kvartalu Programa rada za 2018. godinu.


### IZVJEŠTAJNI DIO

- a. Općinsko vijeće je donijelo 53 odluke, 15 rješenja i 66 zaključaka,

Sagleda li se struktura tema i pitanja o kojima se vodila rasprava i donosili određeni zaključci u izvještajnom periodu najbrojnije su bili prijedlozi odluka i nacarta (61), inicijativa (36), informacija (29), rješenja (15), izvještaja (9).



U izvještajnom periodu Općinsko vijeće je nakon provedenih rasprava usvojilo ukupno 134 akta i to 53 odluke, 15 rješenja i 66 zaključaka.



b. Komentara na odluke koje je Vijeće donijelo – nije bilo.

---

c. Općinsko vijeće je donijelo 22 akta koja su inicirali građani.

---

d. Održano je 8 javnih rasprava po usvojenim zaključcima za:

- Nacrt Odluke o raspolaganju nekretninama Općine Tešanj koje su u evidenciji o zemljišnim knjigama upisane na mjesne zajednice,
- Nacrt zoning plana "Poslovna zona Glinište",
- Nacrt – Izmjene i dopune Urbanističkog projekta „Tešanj-centar“,
- Nacrt Strategije razvoja općine Tešanj 2018-2022,
- Nacrt Budžeta općine Tešanj za 2018. godinu,
- Nacrt Odluke o zaštiti izvorišta vode za piće Mekiški potok i Trebačka rijeka na području općine Tešanj,
- Nacrt Odluke o lokalnim i nerazvrstanim cestama na području općine Tešanj,
- Nacrt Odluke o izmjeni i dopuni Poslovnika o radu Općinskog vijeća Tešanj.

e. Javnim raspravama je prisustvovalo 132 građana.

---

f. Sjednicama Vijeća pored redovnih gostiju prisustvovalo 43 građana.

13. i 14. sjednici prisustvovali predstavnici Inicijativnog odbora grupe veterana (19 članova). O inicijativi grupe veterana nije bilo rasprave na sjednicama, ali su, kako je i dogovoreno na početku 13. sjednice, o inicijativi usaglašeni stavovi na sjednicama Kolegija. (Održana dva sastanka – na prvom prisustvovao, pored članova Kolegija, predstavnika Inicijativnog odbora veterana i Općinski načelnik).

g. Nije bilo odluka koje su zahtjevale posebnu ekonomsku opravdanost.

---

h. Prisustvo vijećnika sjednicama Vijeća bilo je dobro, jer su svakoj sjednici Vijeća, od ukupno 25 vijećnika, u prosjeku prisustvovala 23 vijećnika, ili 92 %.

---

Na ukupno 11 održanih sjednica Vijeća u periodu od 1.1. do 31.12. 2017. godine, uglavnom nakon ranije najavljenog opravdanog odsustva, sjednicama Vijeća nisu prisustvovali slijedeći vijećnici:

1.	Jašić Haris	4 sjednica Vijeća
2.	Omić Mirsad	2 sjednice Vijeća
3.	Hasanbašić Senad	2 sjednice Vijeća
4.	Hodžić Enes	2 sjednica Vijeća
5.	Lihić Adnan	1 sjednica Vijeća
6.	Jupić Mirano	1 sjednica Vijeća
7.	Alić Munevera	2 sjednice Vijeća
8.	Hodžić Sadina	1 sjednica Vijeća
9.	Deljković Nermin	2 sjednica Vijeća
10.	Pašić Danijel	1 sjednica Vijeća
11.	Pezer Fahrudin	1 sjednica Vijeća
12.	Kurtić Amir	1 sjednica Vijeća
13.	Klepić Šemsudin	1 sjednica Vijeća

## OSTALO

Općinsko vijeće Tešanj je u periodu 1.1. – 31.12.2017. godine radilo u redovnim javnim zasjedanjima. Održano je ukupno 10 redovnih sjednica i 1 tematska. Sjednice Vijeća u izvještajnom periodu trajale su u prosjeku oko 4 sata.

Na dnevnom redu sjednica Vijeća bilo je 110 tačaka, od čega su 42 ili 38% bile predviđene Programom rada Vijeća za 2017. godinu. Ostalih tačaka 68 ili 62 % bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom. U prosjeku je bilo po 9 tačaka dnevnog reda po jednoj sjednici. Većina Odluka, izvještaja i informacija koje su planirane Programom rada Vijeća za 2017. godinu su realizovane.

**Osnovne tematske odluke predviđene Programom rada za 2017.godinu koje je Vijeće u izvještajnom periodu donijelo su:**

1.	Odluka o visini prosječne konačne građevinske cijene na području Općine Tešanj
2.	Odluka o izmjenama i dopunama RP "Jugozapad" Tešanj
3.	Odluka o usvajanju Liste kapitalnih projekata za budžetsku 2017.godinu
4.	Odluka o usvajanju Programa novčanih podsticaja za unaprjeđenje poljoprivredne proizvodnje na području općine Tešanj u 2017.godini
5.	Odluka o usvajanju Regulacionog plana Glinište
6.	Odluka o donošenju Programa razvoja zaštite i spašavanja za period 2017.- 2021.godina
7.	Budžet općine Tešanj za 2018.godinu
8.	Odluka o izvršavanju Budžeta za 2018. godinu
9.	Odluka o stipendiranju redovnih studenata dodiplomskog stipendija (prvog ciklusa) u akademskoj 2017/2018. godini.

**Osnovne tematske odluke koje nisu bile predviđene Programom rada za 2017.godinu (nastale kao posljedica zahtjeva građana, poslovnog svijeta i drugih subjekata pred administracijom), koje je Vijeće u izvještajnom periodu donijelo navedene su u sljedećem tabelarnom prikazu:**

1.	Odluka o izmjenama i dopunama odluke o zagrijavanju Tešnja daljinskim grijanjem i Uslovima za isporuku i preuzimanje toplotne energije
2.	Odluka o načinu rasporeda budžetskih i drugih sredstava za dugoročnu podršku realizaciji kapitalnih projekata
3.	Odluke o izmjenama i dopunama Odluke o pogodnostima za investitore u Poslovnoj zoni "Bukva"

4.	Odluka o utvrđivanju javnog interesa za rekonstrukciju raskrsnice na ulazu u Jelah /cesta M-4
5.	Odluka o gubitku statusa Javnog dobra-put
6.	Odluka o prodaji nekretnine radi oblikovanja građevinske parcele (Mišković Nikola, Rosulje)
7.	Odluka o stavljanju van snage Odluke o osnivanju Mjesnih ureda Općine Tešanj u Kaloševiću i Šijama
8.	Odluka o usvajanju planova potencijalnih projekata javno-privatnog partnerstvo i Planovi
9.	Odluka o potvrđivanju liste najboljih kandidata za Nadzorni odbor JP RAD Tešanj
10.	Odluka o potvrđivanju liste najboljih kandidata za Nadzorni odbor JP TRA Tešanj
11.	Odluka o izmjeni i dopuni Odluke o opisu granica, označavanju naseljenih mjesta, te numerisanju objekata u naseljenim mjestima na području Općine Tešanj
12.	Odluka o pristupanju izmjene i dopune Urbanističkog projekta "Tešanj-Centar" Tešanj
13.	Nacrt Odluke o raspolaganju nekretninama Općine Tešanj koje su u evidenciji o zemljištu upisane na Mjesne zajednice
14.	Odluka o realizaciji projekta vodosnabdijevanja "Vodovod Tepe-Hrvatinovići"
15.	Odluka o izmjeni i dopuni Odluke o iznosu priključka na vodovod "Pousorje"
16.	Odluka kojom se odobrava, radi izgradnje trafo stanice, prodaja neposrednom pogodbom nekretnine u vlasništvu Općine Tešanj
17.	Odluka o raspolaganju nekretninama Općine Tešanj koje su u evidenciji o zemljištu upisane na MZ
18.	Odluka o izmjeni Odluke o ustupanju prava korištenja na zgradi za Poreznu upravu u Tešnju
19.	Odluka o dopuni Odluke o korištenju javnih površina
20.	Odluka o izmjeni Odluke o usvajanju Programa novčanih podsticaja za unapređenje poljoprivredne proizvodnje na području općine Tešanj u 2017. godini
21.	Izmjena i dopuna Budžeta Općine Tešanj za 2017. godinu
22.	Zaključak o davanju saglasnosti na Ugovor o pružanju javnih vodnih usluga
23.	Odluka o kupovini zemljišta u Jelahu
24.	Odluka o prodaji nekretnine na lokalitetu zv. "Kiseljak"
25.	Odluka o prenosu prava na nekretnini na Općinu Tešanj
26.	Odluka o odobravanju prodaje nekretnina i o raspisivanju Javnog konkursa za nekretnine na lokalitetu u Mrkotiću
27.	Odluka o prodaji nekretnina kod obdaništa u Tešnju
28.	Zaključak o davanju saglasnosti na potpisivanje protokola - most Lejle Mulalić Jelah
29.	Odluka o izmjenama i dopunama Odluke o općinskim administrativnim taksama i naknadama
30.	Odluka o izmjenama i dopunama Odluke o komunalnom redu i sanitarnom minimumu
31.	Odluka o uspostavi Registra mjesnih zajednica na području općine Tešanj
32.	Odluka o prodaji zemljišta neposrednom pogodbom-Trafo stanica u Rosuljama
33.	Odluka o davanju saglasnosti za prenos prava na nekretnini radi izgradnje ambulante u Piljužićima
34.	Odluka o izmjeni Odluke o osnivanju, upravljanju, raspolaganju i korištenju stambenog fonda uz primjenu principa socijalnog stanovanja
35.	Odluka o potvrđivanju liste najboljih kandidata za Nadzorni odbor JP "Toplana" d.d. Tešanj
36.	Odluka o gubitku statusa Javnog dobra-put
37.	Odluka o prodaji nekretnina radi oblikovanja građevinskih parcela
38.	Odluka o ukidanju statusa javnog dobra-puta zv. "Rosulja"
39.	Odluka o prodaji nekretnine neposrednom pogodbom zv. "Rosulja"
40.	Odluka o izmjenama i dopunama Odluke o provođenju izmjena i dopuna Prostornog plana općine Tešanj
41.	Odluka o usvajanju Strategije razvoja općine Tešanj 2018-2022
42.	Odluka o zaštiti izvorišta vode za piće Mekiški potok i Trebačka rijeka na području općine Tešanj
43.	Odluka o lokalnim i nerazvrstanim cestama na području općine Tešanj

Na 13. Sjednici Općinsko vijeće **nije usvojilo** Prijedlog Odluke o prodaji parcele oznake k.p.br. 469/5 za K.O. Tešanj I.

Aktivnosti Općinskog vijeća zasnivale su se na zadacima utvrđenim Programom rada Vijeća za 2017. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo.

Od 7.sjednice Općinskog vijeća koja je održana 27.04.2017.godine prešlo se na elektronsku dostavu materijala za sjednice Vijeća. Materijali su u izvještajnom periodu uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovníkom o radu Vijeća. Cjelokupan radni materijal planiran za sjednice Vijeća, poslije sjednice Kolegija objavljuje se na zvaničnoj web strani Općine. Ovim činom sav materijal čini dostupnim svim građanima sa ciljem da do početka sjednice preko vijećnika mogu reagovati svojim primjedbama na svaki od predloženih dokumenata.

Prije početka 9. sjednice Općinskog vijeća od 14,00 do 15,30 sati održana je Panel diskusija "Otvoreni sastanak sa vijećnicima Općinskog vijeća", u okviru Projekta "Jačanje uloge MZ u BiH" na kojoj je bilo prisutno 19 vijećnika dok je 6 vijećnika opravdalo svoj izostanak. Na 9.sjednici g-din Siniša Ubiparipović je uz prezentaciju predstavio Projekat općinskog okolišnog i ekonomskog upravljanja MEG – UNDP.

Na 13.sjednici u skladu sa članom 9. Poslovníka o radu općinskog vijeća Tešanj Kurdić Adem je dao svečanu izjavu - Centralna izborna komisija BiH donijela je Odluku o prestanku mandata vijećniku Lihić Adnanu i dodjeli mandata Kurdić Ademu (SDA).

Na 14.sjednici usvojen je Program rada Općinskog vijeća za 2018. godinu.

U izvještajnom periodu radilo se na izmjenama i dopunama Poslovníka o radu Općinskog vijeća. Na 13. sjednici prijedlog Odluke je pretvoren u nacrt. O Nacrtu je održana javna rasprava, i na 14.sjednici nakon diskusije o Prijedlogu Odluke i pristiglim amandmanima usvojen je izaključak: Da se nastavak pretresa i odlučivanja o Prijedlogu Odluke odloži za sljedeću (15) sjednicu.

Vijećnici su u svom radu postavili 108 vijećničkih pitanja i 36 inicijativa na koje je odgovoreno, uglavnom do naredne sjednice Vijeća.

Sjednicama Vijeća su u svojstvu gosta redovno pozivani: poslanici u državnom parlamentu i kantonalnoj skupštini s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

## **EDUKACIJA VIJEĆNIKA**

U skladu sa Planom održavanja edukacija vijećnika u mandatnom periodu 2016.-2020. od 19.12.2016. godine u izvještajnom periodu održane su 4 edukacije na sljedeće teme:

1. Statut općine Tešanj, predavač Mirnes Dedukić, stručni savjetnik za ljudske resurse i normativno pravne poslove.
2. Poslovník o radu Općinskog vijeća Tešanj, predavač Predsjedavajući Vijeća Senad Subašić.
3. Prostorno-planska dokumentacija (Zakon o građenju i građev. zemljištu), predavač: Nadir Medarić,dipl.ing.geodezije.
4. Zakon o principima lokalne samouprave, predavač: Arijana Brkić, Općinski pravobranilac.

Preostale dvije planirane edukacije na teme Kodeks ponašanja – etički kodeks i Komuniciranje sa javnošću nisu bile iz razloga što jedna zakazana edukacija nije održana zbog slabog odziva vijećnika, a druga je odgođena zbog drugih obaveza (Sastanak sa vijećnicima, Projekat Jačanje uloge mjesnih zajednica).

Prisutnost vijećnika ovim edukacijama je bila dobra (na 1. edukaciji je bilo 18.vijećnika, na 2.edukaciji - 20 vijećnika, na 3. edukaciji - 17 vijećnika i na 4.edukaciji – 19 vijećnika). Vijećnici koji nisu bili u mogućnosti prisustvovati edukacijama ranije su najavili i opravdali svoje odsustvo.

U izvještajnom periodu u skladu sa Projektom općinskog okolišnog i ekonomskog upravljanja (MEG) kojeg podržava i finansira Vlada Švicarske, a provodi Razvojni program Ujedinjenih nacija u Bosni i Hercegovini (UNDP BiH) sa konsultanticom Snežanom Dačić održane su 4 edukacione radionice na teme:

1. Lokalna samouprava, Planiranje i realiacija budžeta, Stručno usavršavanje vijećnika, Donošenje i praćenje realizacije odluka općinskog vijeća.
2. Etički kodeks. Vijećnička pitanja.
3. Komunikacija sa građanima.
4. Rad radnih tijela i odabir spoljnih članova.

Prisutnost vijećnika ovim edukacionim radionicama je bila solidna (na 1. radionici je bilo 6 prisutnih, na 2. je bilo 10, na 3. je bilo 7 i na 4. je bilo 4. prisutnih), s obzirom da su termini održavanja obuka bili radnim danima većina vijećnika je bila spriječena prisustvovati zbog poslovnih ili nekih ranije planiranih privatnih obaveza.

### **GRAĐANSKI SAT SA VIJEĆNICIMA**

Od 15.05.2017. godine uveden je Građanski sat sa vijećnicima Općinskog vijeća Tešanj.

Predsjedavajući Vijeća, Zamjenik predsjedavajućeg a i ostali vijećnici bili su na raspolaganju svim građanima svakog radnog petka od 14,00 do 16,00 sati.

U proteklom period na građanskom satu je bilo ukupno 9 građana. Sastanak s njima je imao Predsjedavajući vijeća. Građani su se obraćali po pitanju rješavanja imovinsko pravnih odnosa, zakup zemljišta, ispravka upisa parcele, numerisanje kućnih brojeva i adresa, funkcionisanje vodovoda Šije, naknade za vatrogastvo, prijava za kršenje propisa o izvođenju građevinskih radova, urgencija za saniranje asfaltnog puta, rasvjeta (15 bandera bez sijalica)...

Zahtjevi građana su upućivani u procedure rješavanja kod nadležnih službi ili im je odmah na sastanku dato pojašnjenje i prijedlog za rješavanje.

### **Provođenje analize zadovoljstva korisnika usluga**

Na osnovu člana 14. Statuta Općine Tešanj ("Službeni glasnik Općine Tešanj" broj 11/07) i član 39. Poslovnika o radu Općinskog vijeća Tešanj ("Službeni glasnik Općine Tešanj" broj: 7/08, 1/12, 7/12 i 10/14), Kolegij Općinskog vijeća je na svojoj sjednici održanoj 20.10.2017.godine usvojio Zaključak broj: 01-49-2-2382-11/17 o provođenju analize zadovoljstva korisnika usluga.

Kolegij Općinskog vijeće je prihvatio Metodologiju mjerenja zadovoljstva korisnika usluga općine Tešanj koju primjenjuje Općinski načelnik i istim zadužio Općinskog načelnika i nadležnu službu da izvrše prikupljanje i analizu podataka i dostave izvještaj Općinskom vijeću, sa prijedlozima mjera za unaprijeđenje.

### **Mjerenja zadovoljstva korisnika usluga je provedeno u decembru 2017.godine.**

U istraživanju je korišten slučajni uzorak - slučajan odabir osoba u periodu od 15. do 30.11.2017. godine).

Anketari - 2 valontera Općine koji su imali određenu obuku 30 pitanja u 5 oblasti.


Uzorak od 250 je sačinjen na slijedeći način:

STRANKE (S) pojedinci: 220 ispitanika (po 30 u Jelahu i Tešanjci, 160 u Tešnjju);

STRANKE (I) predst. institucija (preduzeća, ustanove, udruženja): 30 ispitanika

## Analiza rezultata prema postavljenim pitanjima:

1. Da li ste zadovoljni sa prijenosom sjednica Općinskog vijeća putem lokalnih TV stanica?  
74,8 % ispitanika odgovorilo je sa DA, a 25,2 % ispitanika sa NE/NE ZNA
2. Da li vam je poznato da su materijali Općinskog vijeća dostupni javnosti na internet stranici Općine?  
68% ispitanika odgovorilo je sa DA, a 32% je odgovorilo sa NE/NE ZNA,
3. Da li smatrate da Općinsko vijeće donosi odluke u interesu građana?  
38,8% ispitanika odgovorilo je sa DA, a 61,2% odgovorilo sa NE/NE ZNA
4. Jeste li upoznati sa terminom za redovne sastanke vijećnika sa građanima?  
23,6% ispitanika odgovorilo je sa DA, a 76,4% ispitanika sa NE/NE ZNA
5. Da li vam je poznato ko su vijećnici u Općinskom vijeću  
45,2% ispitanika odgovorilo je sa DA, a 54,8% odgovorilo sa NE/NE ZNA



Grafikon prikazuje broj odgovora građana na pitanje: Koji segment rada OV treba unaprijediti: transparentnost, kvalitet donesenih odluka, komunikaciju sa građanima ili drugo? (mogli su odgovoriti sa više ponuđenih odgovora)

**Kako ocjenjujete rad Općinskog vijeća i vijećnika?**  
**Rezultat je da 66,5 % ispitanika zadovoljno (ocjene od 1-5)**

Pitanje: Koji segment rada OV treba unaprijediti: transparentnost, kvalitet donesenih odluka, komunikaciju sa građanima ili drugo? Ispitanici su dodatno istakli sljedeće segmente (prijedlozi su preneseni u izvornom obliku):

1. Dodatna obuka
2. Kontrola izvršenja odluka
3. Profesionalnost
4. Nezavisnost kod donošenja odluka
5. Politička nepristrasnost prilikom odlučivanja
6. Dublja spoznaja problema

### Neki pokazatelji koji se ističu:

- 76% korisnika nije upoznato sa građanskim satom
- 45 % korisnika ne zna ko su vijećnici u OV
- 38 % korisnika ne smatra da OV donosi odluke u interesu građana
- 32% nije upoznato da su materijali OV postavljeni na internet stranici

Ispitanici su najzadovoljniji prijenosom sjednica na lokalnim TV stanicama i to 74 % ispitanika.

### **Prijedlog mjera poboljšanja za rad Općinskog vijeća i vijećnika:**

- 1. Povećati komunikaciju – sastanci sa građanima, udruženjima, privrednicima (konferencija).**
- 2. Prezentacija rezultata rada OV i radnih tijela OV (putem medija, letaka i slično)**
- 3. Obuke vijećnika i članova radnih tijela.**
- 4. Dodatna promocija građanskog sata.**

### **JAVNOST RADA**

Rad svih sjednica Vijeća bio je javan. Sjednicama su redovno prisustvovali i mediji (TV "Smart" Tešanj). Sjednice su emitovane u jasno definisanom terminu, prva subota nakon održavanja sjednice sa početkom u 21,00 sati i nedjelja u 14,00 sati u programu TV "Smart" Tešanj i najkasnije u roku od tri dana na NTV "Amna" Tešanj. Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjaska hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine (facebook stranici i aplikacije za mobilne telefone). Konačni akti redovno su objavljivani u "Službenom glasniku Općine Tešanj", koji su građanima dostupni i na web stranici Općine Tešanj.

### **RADNA TIJELA VIJEĆA**

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, u Vijeću se obrazuju stalna radna tijela.

U izvještajnom periodu imenovane su sljedeće stalna radna tijela Komisije Općinskog vijeća : Komisija za pitanja mladih, Komisija za ravnopravnost polova, Statutarno-pravna komisija, Komisija za budžet, Komisija za zaštitu čovjekove sredine, Zakonodavno-pravna komisija, Komisija za primjenu Kodeksa ponašanja vijećnika, Mandatno – imunitetska komisija i Komisija za predstavke i prijedloge.

Informativni sastanak Predsjedavajućeg Vijeća sa predsjednicima Komisija održan je 18.04.2017.godine. Sve Komisije su u izvještajnom periodu donijele Poslovnike i programe rada.

U izvještajnom periodu održano je 39 sastanaka stalnih radnih tijela.

R.br.	RADNA TIJELA	Broj sastanaka od 1.1.-31.12.2017.
1.	Komisija za pitanja mladih	4 sastanka
2.	Komisija za ravnopravnost polova	8 sastanka
3.	Statutarno-pravna komisija	6 sastanaka
4.	Komisija za budžet	4 sastanka
6.	Komisija za izbor i imenovanje	3 sastanka
7.	Komisija za zaštitu čovjekove sredine	3 sastanka
8.	Zakonodavno-pravna komisija	2 sastank
9.	Komisija za primjenu Kodeksa ponašanja vijećnika	3 sastanka
10.	Mandatno – imunitetska komisija	2 sastanka
11.	Komisija za predstavke i prijedloge	2 sastanka
12.	Komisija za monitoring nad realizacijom Strategije razvoja općine Tešanj	2sastanka



**Komisija za monitoring nad realizacijom Strategije razvoja općine Tešanj** je u izvještajnom periodu je razmatrala i dostavila svoje mišljenje o Informaciji o realizaciji Strategije razvoja općine Tešanj 2013-2018, i mišljenje o Nacrtu Strategije razvoja općine Tešanj 2018-2022.

**Komisija za Budžet**, Općinskom Vijeću dostavila mišljenje o Izvještaju o izvršenju Budžeta za I polugodište 2017.godinu, o Prijedlogu Odluke o izmjenama i dopunama Budžeta Općine Tešanj za 2017. godinu, mišljenje o Nacrtu budžeta za 2018.hodinu, Izvještaju o izvršenju Budžeta za period januara-septembar 2017.godine i Prijedlog budžeta za 2018. godinu.

**Statutarno-pravna komisija** je u izvještajnom periodu Vijeću dostavila Mišljenje o pristiglim prijedlozima za izmjene i dopune Poslovnika o radu Općinskog vijeća, Nacrt o izmjenama i dopunama, Izvještaj sa javne rasprave i Prijedlog Odluke o izmjenama i dopunama Poslovnika o radu Općinskog vijeća.

**Komisija za zaštitu okoliša** je radila na razmatranju informacije o načinu i stepenu provedbe odluke Vijeća o davanju na korištenje nekretnine u Bukvi, koju je Vijeće usvojilo u decembru 2016 i zaključkom zadužilo Komisiju da daje informaciju Vijeću periodično. Informacija je tražena od nadležne službe, u pripremi je definisanje stava Komisije prema Vijeću.

**Komisije za primjenu Kodeksa ponašanja vijećnika u Općinskom vijeću Tešanj** je u izvještajnom periodu radila na promovisanju Komisije i Kodeksa ponašanja vijećnika, radi bolje informisanosti javnosti o radu Komisije i radu Općinskog vijeća – vijećnika.

**Komisije za predstavke i prijedloge** je usvojila zaključak: Da se građani na adekvatan način animiraju (putem posebne stranice Komisije ili putem medija) da se obraćaju Komisiji sa svojim prijedlozima i eventualnim predstavkama bilo da se odnose na rad pojedinih službi, bilo da se odnose na donesene odluke od strane zakonodavnog organa vlasti.

Saopštenje za javnost pripremljeno i biće objavljeno na web stranici općine i oglasnim pločama u općini, mjesnim uredima i mjesnim zajednicama.

**Komisija za ravnopravnost polova** je usvojila dva zaključka:

1. Općinskom vijeću Tešanj uputiti inicijativu da se u narednom periodu donese akt gdje će se formalno potvrditi defakto o ravnopravnosti polova u organima uprave.
2. Da se u strateški okvir Općine donese plan i program radi poboljšanja polne zastupljenosti.

Inicijativa upućena, te s obzirom da se u tom periodu radilo na izmjenama i dopunama Poslovnika, ista je dostavljena Statutarnoj komisiji - djelimično uvažena.

**Mandatno-imunitetska komisija** je Općinskom vijeću dostavila mišljenje o dodjeli mandata za vijećnika OV Tešanj kandidatu Kurdić Ademu.

**Komisija za izbor i imenovanje** u izvještajnom periodu provela proceduru izbora stalnih radnih tijela Općinskog vijeća Tešanj i dostavila Općinskom vijeću Prijedloge Rješenja o imenovanju.

Općinsko vijeće je u izvještajnom periodu donijelo **Rješenja o imenovanju Razvojnog tima za izradu Strategije razvoja općine Tešanj za period 2018-2022.** Vođa RT je bio g-din Fuad Šišić. Zadatak tima Koordiniranje rada sektorskih radnih grupa pri izradi sektorskih razvojnih planova, Izrada Plana implementacije razvojne strategije, Izrada inidikativnih sektorskih finansijskih planova i generalnog finansijskog plana, Izrada plana razvoja organizacionih kapaciteta i ljudskih potencijala za implementaciju Strategije. Uz to, tim je imao obavezu koristiti postojeće dokumente kao i slijediti metodologiju za integrirano planiranje lokalnog razvoja u BiH (miPRO metodologija). Razvojni tim je od samog početka radio uz podršku UNDP-a (g-đa Snežana Mišić), podršku rukovodstva Općine na čelu sa Općinskim načelnikom koji je i imenovao sektorske grupe/timove. Sektorski timovi na čelu sa predsjednicima su dali

veliki doprinos u četiri područja: Ekonomski razvoj (Selma Bradarić-Ireiz), Ekološki razvoj (Adnan Lihčić), Društveni razvoj (Almina Alagić) i Mladi (Mirza Kotorić) i tehnički sekretar Razvojnog tima Sajda Klepić. Formirana je i Partnerska grupa (nevladin sektor, mjesne zajednice, direktori javnih ustanova i preduzeća, predsjednici klubova političkih stranaka, pomoćnici općinskog načelnika, općinski pravobranilac) na čelu sa predsjednikom Esmirom Subašić. Cjelokupni rad je bio transparentan i predstavljen dokumentima: rješenjima, zapisnicima i kreiranim aktima na portalu Općine Tešanj, na adresi <http://www.opcina-tesanj.ba/uprava/dokumenti/strategija-razvoja-opcine-tesanj-2018-2022>. Pristupilo se i izradi softverske web aplikacije koja treba olakšati monitoring i izvještavanje, a time i povećati transparentnost ali i jedinstven pristup realizaciji svih projekata/mjera. Razvojni tim za izradu Strategije razvoja općine Tešanj 2018-2022 ispunio svih pet zadataka koje mu je Općinsko vijeće svojim rješenjem stavilo u obavezu. Odluku o usvajanju Strategije razvoja općine Tešanj 2018-2022 Vijeće je usvojilo na 14.sjednici.

U izvještajnom periodu usvojena su i sljedeća Rješenja:

- Rješenje o imenovanju članova drugostepene komisije za rješavanje po žalbama protiv rješenja općinskih organa uprave,
- Rješenje o konačnom imenovanju predsjednika i članova Upravnog odbora JU Centar za kulturu i obrazovanje Tešanj,
- Rješenje o konačnom imenovanju predsjednika i članova Upravnog odbora JU Opća Biblioteka Tešanj,
- Rješenje o imenovanju Komisije za promet nekretnina,
- Rješenja o imenovanju Komisije za promet nekretnina,
- Rješenje o imenovanju Komisije za provođenje javnog nadmetanja-licitacije u postupku prometa općinskim zemljištem.


### **REALIZACIJA ZAKLJUČAKA**

Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da je zaključke donesene od strane Općinskog vijeća Općinski načelnik i administracija uglavnom i realizirala u predviđenom roku, a da je u toku realizacija preostalih zaključaka. Općinsko vijeće se informiše dostavljanjem pisanog pregleda svim vijećnicima kao prilog Izvještaja o radu Općinskog vijeća. Uz materijale koji su bili na dnevnom redu vijećnicima je od drugog polugodišta dostavljena Informacija o realizaciji odluka, rješenja i zaključaka Općinskog vijeća.

### **ZAKLJUČCI**

- a. Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u periodu 01.01. – 31.12.2017. godine uspješno realizovalo svoju ulogu.
- b. Većina odluka je usvojena jednoglasno.
- c. Aktivnost Vijeća se ogleda i kroz podnesena 189 dopisa (amandmani, vijećnička pitanja i inicijative) i usvojena 104 akta koja su upućena Općinskom načelniku i administraciji na realizaciju, od kojih je većina realizovana. Informacija o realizaciji odluka, rješenja i zaključaka Općinskog vijeća je redovno od drugog polugodišta dostavljana u materijalima za svaku sjednicu. U prilogu Informacija od 14.sjednice.
- d. U cilju transparentnosti rada ovaj Izvještaj će biti objavljen na zvaničnoj web stranici Općine Tešanj i jednim dijelom u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj.

**PREDSJEDAVAJUĆI VIJEĆA**  
**Senad Subašić, dipl.oec.**



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 01-05-4-182-2/18

Datum: 24.01.2018.godine


OPĆINSKO VIJEĆE

**PREDMET: Informacija o realizaciji odluka, rješenja i zaključaka Općinskog vijeća  
Tešanj u periodu od 20.12.2017.godine do 31.12.2017.godine**

R/br.	Odluke i zaključci koje je Općinskog vijeća Tešanj usvojilo na 14. sjednica OV (28.12.2017.godine)	Realizacija
1.	Odluka o usvajanju Strategije razvoja općine Tešanj 2018-2022,	Provodi se
2.	Zaključak o pokretanju inicijative prema Direkciji cesta ZDK i JP Ceste FBiH za zaštitu dionioaca RP 474, M4 i M17, na prostoru općine Tešanj i projektovanju i izgradnji treće trake na ovim putevima, tj.dionici Jelah – Kraševo na M4 i Tešanj – Jelah na R474.	Inicijativa je upućena
3.	Budžet općine Tešanj za 2018.godinu	Provede se
4.	Zaključak – usaglašen po Amandmanima Klubova vijećnika SDP i SBiH na prijedlog Budžeta općine Tešanj za 2018.godinu 1.U narednim godinama Općina Tešanj će voditi računa o rasvjeti na glavnim putnim pravcima, vodeći računa o upotrebi energetski efikasnih rasvjetnih tijela. Posebna pažnja će biti posvećena kritičnim mjestima sa koncentracijom privrednih subjekata. 2.Usvajanjem Budžeta Općine Tešanj za 2018.godinu, usvajanjem Strategije, te dokumentima koji će pratiti Strategiju će prioritetno planirati izdvajanje sredstava za vodosnadbijevanje i odvodnju otpadnih voda. 3.Zadužuje se Općinski načelnik da podnese inicijativu ZZO za sufinansiranje dijela troškova za nabavku senzora za bezkontaktno mjerenje glukoze u krvi za osobe mlađe od 18 godina.	Provodi se Tačka 3-upućena pismena inicijativa
5.	Odluka o izvršavanju Budžeta za 2018. godinu	Provodi se
6.	Program rada Općinskog vijeća za 2018. godinu	Provodi se
7.	Odluka o zaštiti izvorišta vode za piće Mekiški potok i Trebačka rijeka na području općine Tešanj	Provodi se
8.	Odluka o lokalnim i nerazvrstanim cestama na području općine Tešanj	Provede se
9.	Rješenje o imenovanju Komisije za provođenje javnog nadmetanja-licitacije u postupku prometa općinskim zemljištem	U primjeni

**Dostavljeno:**

1. Naslov
2. Arhiva



**OPĆINSKI NAČELNIK**  
*[Signature]*  
**Mr.sci. Suad Huskić**